

**Avgvstini Valerii, Veronensis Episcopi, De Rhetorica
Ecclesiastica Libri III. Perqvam Ervditi**

Valiero, Agostino

Coloniae, 1582

Quo modo Ecclesiasticus orator possitad p[ro]positum rationem subijcere;
& vndè deslexitoratio, redire. Cap. XV.

[urn:nbn:de:hbz:466:1-69050](https://nbn-resolving.de/urn:nbn:de:hbz:466:1-69050)

rare desideras, medicus est: si febribus astuas, fons est: si
grauaris iniquitate, iustitia est: si auxilio indiges, virtus
est: si mortem times, vita est: si cibum queris, alimentum
est. Qua ratione debeat proponere Ecclesiasticus orator,
& qualis debeat esse propositio, dicemus paulo post: item
de diuisione, & distinctione, quas non solum formas sen-
tentiarum, sed etiam instrumenta dispositionis esse, facile
est animaduertere.

Quo modo Ecclesiasticus orator possit ad p-
positum rationem subijcere; & vnde defle-
xit oratio, redire.

Cap. X V.

SANCTVS Gregorius Nazianenus in laudem He-
ronis, docens, cur Hero fuerit athleta minimè fictus,
subiicit rationem: Hic est veritatis athleta minimè fictus,
& trinitatis ad sanguinem vsque propugnator; atque eo-
rum, qui ipsum, iniuriæ inferendæ causa, persequebar-
tur, patiendi alacritate expugnator: nihil est enim, quod
persecutoris vim perinde frangat, vt patiens alacritas &
promptus animus. Sæpè poterit vti hac forma Ecclesiasti-
cus orator: Cupitis scire, quāobrēm in variis calamitates
incidentis, melioris spei filij deceant; qui supersunt, vos
tristitia afficiant. varijs morbis affligamini, caritate an-
nonæ, & alijs incōmodis exerceat, aut puniat potius vos
Deus? quia eius mandata non custoditis, quia iniusti estis
in vos, & in alios. Is, què paulo antè nominauimus, san-
ctus episcopus Gregorius Nazianzenus in Apologetico,
cum officium sacerdotum exposuisset, in hominum recon-
ciliatiōe & salute versari; salutis mysteria omnia, Chri-

M

stique

stiq; ortum, facta, miracula, passionem, resurrectionem; exornandi causa collegit, tum ad propositum rediens: An nos, inquit, huius medicinæ ministri, operisq; participes sumus; quicunq; superiori loco sedemus. Sic orator Ecclesiasticus utatur hac forma dicendi, ita dictante Spiritu sancto; Ne illud quidem, quod dixeram, cogitas; digressus sum, ut in am aliquo vestro cum fructu nunc redeamus, unde deflexit oratio: quod quidem facere commodè poterit semel aut bis in concione.

Exemplum conclusionis.

Cap. XVI.

DI V V S *Basilius in oratione ad diuites, expositam rationem concludens. Quid igitur, inquit, tempus expectas, cum ne mentis quidem tuæ compos es futurus?* Ita Ecclesiasticus orator: Esto huius & omnium meorum sermonum, concionum, & hortationum mearum conclusio; ut sitis vos populus Dei, hereditas Christi, gaudium meum et corona mea, humana contemnentes, huius exili oblii, ad cœlestem patriam adspiretis. quæ dicēdiforma, rurim maximè adhiberi posse videtur, atque etiam crebro.

Transitionis, & Repetitionis exemplum.

Cap. XVII.

SANCTVS *Chrysostomus cum orationem ostendisset, peccata expiandi vim habere; sic ad aliud argumentum transit: Nec verò peccata solum purgat oratio, sed pericula etiam grauissima depellit; deinde exemplis id confirmat: & pluribus explicatis, sic ad oracula Christi*